

लख लख दिवला री ए आरती तेजाजी रे धाम लिरिक्स



लख लख दिवला री ए आरती,
म्हारे तेजाजी रे धाम,
रमती जगती ए आरती आ,
खरनाल्या रे धाम।bd।

गढ़ खरनाल्या में धाम सोवणो,
धजा फरूखे आसमान,
ढोल नगाड़ा और शंख बाजे,
आरतीया रे माय,
लख लख दीवला री ए आरती,
म्हारे [तेजाजी](#) रे धाम।bd।

ऊंची मेडी ओ आप विराजो,
तेजा भालो भलके हाथ,
मूरत लागे सोवणी थारे,
भाला पर सोवे कालो नाग,
लख लख दीवला री ए आरती,
म्हारे तेजाजी रे धाम।bd।

हे लीलण री थारे ओ सोवे असवारी,
तेजाजी महाराज,
हेले हाजिर ओ होवजो तेजा,
सारो सब रा काज,
लख लख दीवला री ए आरती,
म्हारे तेजाजी रे धाम।bd।

दुर देशों रा ओ आवे जातरू,
लुल लुल शीश नमाय,
सब रा सकंट मेटजो तेजा,
सिर पर हाथ धराय,
लख लख दीवला री ए आरती,
म्हारे तेजाजी रे धाम।bd।



लाइ चाटू ओ चुरमा जी,
थारे गुड री खीर चढाय,
भक्त चढावे ओ भाव सूं तेजा,
भक्तों रा भरो भंडार,
लख लख दीवला री ए आरती,
म्हारे तेजाजी रे धाम।bd।

हरीराम जी ओ किवाडा थारे,
चरणों में शीश नमाय,
जोगाराम प्रजापत ओ गाए सुणावे,
तेजा राखो चरण रे माय,
लख लख दीवला री ए आरती,
म्हारे तेजाजी रे धाम।bd।

लख लख दिवला री ए आरती,
म्हारे तेजाजी रे धाम,
रमती जगती ए आरती आ,
खरनाल्या रे धाम।bd।

गायक – जोगाराम जी प्रजापत ।
हाथीतला बाडमेर 9587984999
